

## REGLUGERÐ

### um framlag sveitarfélaga til Atvinnuleysisstryggingasjóðs.

#### 1. gr.

Sveitarsjóðir skulu greiða framlag til Atvinnuleysisstryggingasjóðs, er sé árlega jafnhátt heildariðgjöldum þeim, sem atvinnurekendur greiða til sjóðsins samkvæmt 14. gr. sbr. 10. gr. laga nr. 64/1981.

#### 2. gr.

Framlag sveitarsjóðs miðast við iðgjöld atvinnurekenda, sem heimilisfastir eru í sveitarfélaginu.

Nú rekur aðili starfsemi í öðru sveitarfélagi en þar sem hann á lögheimili og skal þá sveitarsjóður þess sveitarfélags inna af hendi framlag, sem svarar til heildariðgjalda af þeirri starfsemi. Greiðsluskylda lögheimilissveitarfélags lækkar samsvarandi.

Greiðsluskyldu sveitarfélags skal að jafnaði miða við, að hlutaðeigandi atvinnurekendur séu aðstöðugjaldsskyldir til sveitarfélags skv. 40. gr. laga nr. 73/1980 um tekjustofna sveitarfélags.

#### 3. gr.

Áætlað framlag sveitarfélags greiðist ársfjórðungslega eftir á en fullnaðarskil skulu gerð þegar iðgjöld skv. 10. gr. laga nr. 64/1981 hafa verið ákveðin.

Um dráttarvexti gilda reglur laga um tekjuskatt og eignarskatt.

#### 4. gr.

Reglugerð þessi, sem sett er samkvæmt lögum nr. 64 2. júní 1981 um atvinnuleysisstryggingar, öðlast þegar gildi.

*Heilbrigðis- og tryggingamálaráðuneytið, 5. maí 1983.*

**Svavar Gestsson.**

*Jón Ingimarsson.*

## REGLUGERÐ

### fyrir Íþróttahúsið á Akranesi.

#### 1. gr.

Íþróttahúsið er í Akraneskaupstað og ber heitið Íþróttahúsið á Akranesi.

#### 2. gr.

Íþróttahúsið á Akranesi er að hluta til skólamannvirki, en að öðru leyti íþróttamannvirki kaupstaðarins.

#### 3. gr.

Íþróttasal hússins skal nota til leikfímikennslu, íþróttæfinga, íþróttasýninga og íþróttakeppni svo og til annarra nota eftir því sem við verður komið.

## 4. gr.

Forstöðurmaður hússins skal vera fastur starfsmaður. Hann skal hafa daglegt eftirlit með húsinu og rekstri þess. Hann skal halda dagbók um notkun hússins og mæta á fundum íþróttaráðs. Störf sín vinnur hann samkvæmt erindisbréfi og fyrirmælum íþróttaráðs.

## 5. gr.

Starfræksla íþróttahússins er á ábyrgð bæjarstjórnar Akraness, en er falin íþróttaráði Akraness, sem starfar samkvæmt reglugerð.

## 6. gr.

Starfssvið íþróttaráðs varðandi íþróttahúsið skal vera:

- a) að setja reglur um umgengni í húsinu;
- b) að skipuleggja afnot af húsinu. Forgangsrétt til afnota hafa skólar bæjarins, almenna kennsludaga frá kl. 08:00 — 18:00, því næst viðurkennd íþróttafélög innan kaupstaðarins og þá aðrir aðilar. Þegar ganga skal frá niðurröðun á afnotum hússins í byrjun vetrar, skulu skólastjórar við skóla bæjarfélagsins boðaðir á fund íþróttaráðs;
- c) að gera tillögur til bæjarráðs um afnotagjöld;
- d) að gera tillögur til bæjarráðs um ráðningu starfsfólks og setja því starfsreglur;
- e) að gera árlega fjárhagsáætlun um rekstur hússins, viðhald þess, endurbætur, kaup áhalda og tækja og viðhald þeirra. Fjárhagsáætlun skal skila það snemma, að hún liggi fyrir þegar unnið er að fjárhagsáætlun bæjarsjóðs;
- f) að fylgjast vandlega með kostnaði við rekstur íþróttahússins og gæta þess, að rekstri sé hagað í samræmi við samþykktu fjárhagsáætlun. Íþróttaráð og forstöðumaður skulu gæta þess við skipulagningu, að nýting hússins verði sem best og samfelldust.

## 7. gr.

Fjárreiður og reikningshald íþróttahússins, hvort sem er vegna framkvæmda eða rekstrar, fer fram á skrifstofu Akraneskaupstaðar. Reikningar verða því aðeins greiddir, að fulltrúi íþróttaráðs hafi samþykkt og vistað þá.

## 8. gr.

Reglugerð þessi, sem er samþykkt af bæjarstjórn Akraness, 12. apríl 1983, er sett samkv. 10. gr. íþróttalaga nr. 49, 7. apríl 1956. Með þessari samþykkt fellur úr gildi reglugerð fyrir Íþróttahúsið á Akranesi nr. 300 frá 22. júlí 1976.

*Menntamálaráðuneytið, 3. maí 1983.*

**Ingvar Gíslason.**

*Birgir Thorlacius.*

## AUGLÝSING

um gjaldskrá fyrir auglýsingar í Ríkisútvarpi.

I. Hljóðvarp (Miðað er við krónur fyrir hvert orð)

Kr.

**Flokkur 1.**

Dánartilkynningar og jarðarfarir, messur, góðgerðarstarfsemi, tapað —  
fundíð ..... 25,00